

周

禮

正

義

周禮正義卷五十五

瑞安孫詒讓學

大司馬之職掌建邦國之九灋以佐王平邦國平成也正也疏掌建邦國之九灋者謂修立此九法之書頒之邦國九法九伐等並政官之官法也賈疏云此九法已下皆言邦國則施於諸侯爲主但此九法據殷同之時建之故大行人云殷同以施天下之政注云政謂邦國之九法則殷同之時司馬明布告之故云建也案賈說非也大行人所施之政雖卽此九法但建與施異大司馬建九法於平時至殷同之時乃取此已建之法與大行人同施行之二官相與爲官聯耳疏并建與施爲一事誤注云平成也正也者平成爾雅釋詁文說文云平又正也

成正者謂成其政治正其違僭司馬法仁本篇云以政令平諸侯制畿封國以正邦國封諸立封於疆爲界疏制畿封國以正邦國者佐王制邦國之封域與大司徒爲官聯也會釗云畿謂侯畿甸畿之等國謂大國次國小國之等賈疏云謂制諸侯五百四百里之等各有所封疆界分乃得正注云封謂立封於疆爲界者大司徒制其畿疆而溝封之注云封起土界也蓋於兩疆分判處起土爲界埒故謂之封設儀辨位以等邦國儀謂諸侯及諸臣之儀辨別也別尊卑之位疏設儀辨位以等邦國者佐王制邦國之禮等與大宗伯大行人司儀掌訝爲官聯也司勳注云等猶差也設儀辨位所以明侯國君臣尊卑之等差故云以等邦國掌訝云掌邦國之等籍以待賓客然則大司馬建

其法掌訝主其籍其事同也

注云儀謂諸侯及諸臣之儀者

賈疏云以此經云等邦國按大行人云以九儀辨諸侯之命等諸臣之爵鄭云九儀謂命者五公侯伯子男也爵者四孤卿大夫士也知九儀中唯有諸侯諸臣無天子之臣按大宗伯云以九儀之命正邦國之位注云每命異儀則九儀之中謂一命以至九命之儀其中有六命八命并九命作伯兼有王臣則與此異也云辨別也者天官敘官注同云別尊卑之位者謂朝位等並以爵之尊卑爲別大行人云凡諸侯之王事辨其位正其等協其禮賓而見之是也進賢興功以作邦國興猶舉也作起也起其勸善樂業之心使不惰廢疏進賢興功以作邦國者進賢謂邦國三歲貢士於天子也射義云古者天子之制諸侯歲獻

貢士於天子天子試之射宮注云歲獻獻國事之書及計偕物也三歲而貢士舊說云大國二人次國一人小國一人孔疏謂據尚書大傳公羊莊元年何注說略同案諸侯二歲貢士蓋與鄉大夫三歲賓興賢能期正相應伏說甚塢漢書食貨志云諸侯歲貢少學之秀者於天子公羊宣十五年何注穀梁閔元年范注說並同是謂比歲貢士於天子與伏傳義不合鄭所不從也興功舉諸臣有功者以爲三卿五大夫等注云興猶舉也者大司徒注同云作起也者胥注同云起其勸善樂業之心使不惰廢者賈疏云以臣有賢有功舉之與官則起邦國之內勸善樂業之心使不惰廢善業也建牧立監以維邦國牧州牧也監監一國謂君也維猶連結也疏建牧立監以維邦國者佐王

建邦國之君長與大宰爲官縣也賈疏云二百一十國以爲州
州有牧使維持諸侯又一國立一監以監察一國上下相維此
則大宰云建其牧立其監亦一也 注云牧州牧也者大宰注
云以侯伯有功德者加命作州長謂之牧是也云監監一國謂
君也者釋文出監國無一字蓋所見本脫之大宰注云監謂公
侯伯子男各監一國是也並詳彼疏云維猶連結也者說文采
部云維車蓋維也引申爲繫連結之語廣雅釋詁云維係也
連結亦與係義相近制軍詰禁以糾邦國詰猶窮治也糾猶正
也疏制軍詰禁以糾邦國者賈疏云按上文大國二軍次國二
軍小國一軍也詰禁者按士師有五禁天子禮此諸侯國亦當
有五禁以相窮治相糾正故云以糾邦國也 注云詰猶窮治

批者說文言部云詰問也引申爲窮治書周官孔疏引大司寇
馬注云詰猶窮也月令詰誅暴慢注云詰謂問其罪窮治之也
云糾猶正也者小宰注云糾猶割也察也軍禁亦以割察邦國
之不正使歸於正故云猶正也施貢分職以任邦國職謂賦稅
也任猶事也事以其力之所堪疏施貢分職者佐王命邦國之
貢職與大行人爲官縣也賈疏云施貢多少據國地大小故地
官大國貢半次國三之一小國四之一皆由天子施之此大宰
九貢并小行人春令人貢皆是歲之常貢與大行人因朝而貢
者異也案賈說大國次國小國所貢之差據大司徒公食者半
侯伯食者參之一子男食者四之一爲說也然彼經所云食者
當依先鄭說爲五等諸侯所自食則不可以此爲貢數之差次

賈依後鄭說以食者並爲天子所食之貢非經義不可從詳彼疏注云職謂賦稅也者爾雅釋詁云職常也鄭意賦稅有常法故通謂之職賈疏云分職者卽大宰所云九職是也彼據畿內此據諸侯諸侯邦國亦由天子分之使民有職業因使稅之所稅者市之以充貢若然言貢據向天子而言云稅據民所爲爲說事相因吳延華云職力氏職云制其職各以其所能制其貢各以其所有職卽述職之職貢卽大宰之九貢也注以職爲賦稅疏以職爲大宰之九職誤案吳說本王昭禹是也莊有可說同小行人云令諸侯春八貢秋獻功注云功考績之功也彼貢功卽此所施與分之貢職蓋天子施其職諸侯則獻其功分職與獻功事相因猶大宰萬民之九職司會謂之九功也下文

以九畿之籍施邦國之政職職亦謂邦國君臣所受之職事並與賦稅異也云在猶事也者大宰以在百官注云在猶俸也廣韻七至云事事刃又作剗俸是事俸字同詳大宰疏云事以其力之所堪者謂差其國之大小定其力所堪承之貢賦以事之簡稽鄉民以用邦國簡謂比數之稽猶計也疏簡稽鄉民者劉台拱云鄉民制鄉以處民案劉說是也諸侯亦制鄉遂故小行人注謂諸侯有鄉遂大夫玉海食貨引三禮義宗謂諸侯三鄉三遂次國二鄉二遂小國一鄉一遂書費誓云魯人三郊三遂三郊卽三鄉史記孔子世家魯有昌平鄉是也賈飲酒禮疏說邦國制亦依崔義儀禮經傳通解引尚書大傳云古者百里之國三十里之遂二十里之郊七十里之國二十里之遂九里之

郊五十里之國九里之遂三里之郊伏傳三等國里數與此經不合而皆有郊遂則可以證義論語鄉黨皇疏左傳孔疏並謂諸侯亦郊內爲鄉郊外爲遂與王國制同蓋卽依書傳義也若然邦國亦有遂經唯言鄉者文不具國語周語晉文公請隧韋注以隧爲六遂云唯天子有隧諸侯則無也今攷晉文所請乃天子葬禮韋引賈逵唐固虞翻及左傳僖二十五年杜注賈子審微篇說並如是不可易也韋說與費誓不合不可從又左襄九年傳宋有四鄉正國語齊語管子制國以爲二十二鄉工商之鄉六士鄉十五韋注云二千家爲一鄉二十一鄉凡四萬二千家此管子所制非周法並與侯國三鄉之制不合不爲典要也 注云簡謂比數之者小宰八成聽師田以簡稽先鄭注云

簡猶閱也廣雅釋詁云閱數也是簡閱並爲比數之言賈疏云
謂比數計會鄉民而用之云稽猶計也者小宰注同均守平則
以安邦國諸侯有土地者均之尊者守大卑者守小則法也疏
均守平則者佐王施邦國之地政與大司徒土均大宗伯爲官
聯也劉台拱云均守卽土均職所謂均地守也平則所謂以地
美惡爲輕重之法案劉說是也此則與大宗伯五命賜則義同
卽大司徒土均之法也詳大宗伯疏賈疏以爲職貢之法則與
施貢分職無異非經義也注云諸侯有土地者均之尊者守
大卑者守小者書舜典僞孔傳云諸侯爲天子守土故稱守均
之者謂若大司徒建五等爵土之差爵尊則地大爵卑則地小
均平之使各守其境土也云則法也者大宰注義同比小事大

以和邦國比猶親使大國親小國小國事大國相合和也易比
象曰先王以建萬國親諸侯疏比小事大以和邦國者司馬法
仁本篇云比小事大以和諸侯義本於此 注云比猶親者形
方氏注同廣雅釋詁云親比近也是比與親義同云使大國親
小國小國事大國相合和也者約形方氏文賈疏云按司儀有
五等諸侯自相爲賓亦有五等諸侯之臣相爲國客按春秋有
小國朝大國大國聘小國故鄭云使大國親小國釋經比小小
國事大國釋經事大使相合和故云以和邦國也引易比象曰
先王以建萬國親諸侯者證比訓親之義以九伐之灋正邦國
諸侯有違王命則出兵以征伐之所以正之也諸侯之於國如
樹木之有根本是以言伐云疏注云諸侯有違王命則出兵以

征伐之所以正之也者曰虎通義誅伐篇云征猶正也欲言其正也征正聲類同義亦相近賈疏云此經與下文爲目則下九者皆是違王命者也若然按下文九者唯有賊賢害民一者稱伐其餘八者皆不言伐此經摠言伐者侵滅二者亦是伐之例其餘六者皆先以兵加其境服乃箚之墀之削之正之殘之杜之故皆以伐言之云諸侯之於國如樹木之有根本是以言伐云者釋九者總稱伐之義說文人部云伐擊也一日敗也亦斫也白虎通義誅伐篇云伐者擊也欲言伐擊之也明諸侯專國根本深固故以斫伐樹木爲況賈疏云此九伐施於邦國在於時會之時是以大行人云時會以發四方之禁注云禁謂九伐之法是當時會者也馮弱犯寡則箚之馮猶乘陵也言不字小

而侵侮之皆猶人皆瘦也王霸記曰四面削其地疏焉弱犯寡則告之者焉司馬法仁本篇作憑卽馮之俗說文大部云犯侵也賈疏云馮弱據以強陵弱犯寡據以大侵小如此者皆瘦其地使不得強大也注云馮猶乘陵也者馮訓乘春官敘官注同毛詩大雅小旻傳云馮陵也左襄八年傳云馮陵我城郭云言不字小而侵侮之者左昭十六年傳云非不能事大字小之難孔疏引服虔云字養也此馮弱犯寡亦謂不能養小國而侵侮之云皆猶人皆瘦也者皆卽省之段字經例作皆注例作省大司徒注可證此疑當作皆猶人省瘦也釋名釋天云皆省也如病者省瘦也又釋言語云省瘦也臞瘦約少之言也漢書外戚傳注晉灼云三輔謂憂愁面省瘦曰嫫冥後漢書袁閎傳李

注引謝承書云面貌省瘦字皆作省呂飛鵬云省省古通用字
春秋莊二十年肆大眚公羊作肆大省大司徒眚禮卽省禮論
讓案說文女部云始減也水部云消少減也凡眚瘦省瘦字並
有減少之義蓋與媾消聲義略同引王霸記曰四面削其地者
蓋漢書藝文志禮記百三十一篇之一司馬法仁本篇說此九
伐之文其上文有王霸之所以治諸侯者六云云疑卽本王霸
記也削其地亦與滅媾之義近賈疏云對下文削之者不四面
削之爲異也惠士奇云如鄭說則眚與削何別春秋莊二十有
二年肆大眚穀梁曰肆失也眚災也災紀也范注云災謂罪惡
紀治理也有罪當治理之然則眚之者治其辜也眚公羊作省
省與眚通宣王命程伯休父爲大司馬而作常武之詩曰率彼

淮浦省此徐土省之言省也省其土非削其地也曾釗云四面
削其地句當引在野荒民散則削之下此省當訓加大司徒省
禮之箚箚裁損之也案惠會二說亦通賊賢害民則伐之春秋
傳曰粗者曰侵精者曰伐又曰有鍾鼓曰伐則伐者兵入其竟
鳴鐘鼓以徃所以聲其罪疏賊賢害民則伐之者謂專殺賢大
夫與害民皆是暴虐之事故聲罪以伐之也 注引春秋傳曰

粗者曰侵精者曰伐者釋文云粗本亦作麤公羊莊十年傳二
月公侵宋曷爲或言侵或言伐猶者曰侵精者曰伐何注云猶
麤也將兵至竟以過侵責之服則引兵而去用意尙麤精猶精
密也侵責之不服推兵入竟伐擊之益深用意稍精密案粗猶
麤聲義略同穀梁隱五年傳云苞人民毆牛馬曰侵斬樹本壞

宮室曰伐此鄭所不用引又曰有鍾鼓曰伐者左莊二十九年傳云凡師有鍾鼓曰伐無曰侵輕曰襲杜氏釋例云侵伐襲者師旅討罪之名也鳴鍾鼓以聲其過曰伐寢鍾鼓以入其竟曰侵掩其不備曰襲此所以別異師用兵之狀也云則伐者兵入其竟鳴鍾鼓以往所以聲其罪者即兼用公羊左氏二義國語晉語亦云伐備鍾鼓聲其罪也章注云以聲章其罪也暴內陵外則壇之內謂其國外謂諸侯壇讀如同壇之壇王霸記曰置之空壇之地鄭司農云壇讀從憚之以威之憚書亦或爲壇立謂置之空壇以出其君更立其次賢者疏暴內陵外則壇之者暴經例用古字當作肅石經及各本並誤陵凌之段字暴詳地官敘官及司職疏賈疏云暴內即上云賊賢害民是也陵外即

上云馮弱犯寡是也上二文各有其一故伐之皆之不奪其位
此則外內之惡兼有故壇之奪其位立其次賢 注云內謂其
國外謂諸侯者其國謂封域之內諸侯謂鄰國云壇讀如同壇
之壇者段玉裁改讀如爲讀爲云鄭君易壇爲壇今本作讀如
非也案段校是也書金縢爲三壇同壇僞孔傳云壇築土壇除
地鄭祭法注義同是壇與壇聲近而義別故鄭破壇爲壇也丁
晏云詩東門之壇釋文作壇云依字當作壇左氏襄二十八年
舍不爲壇正義引服虔云除地爲壇古壇壇字多通用引王霸
記曰置之空壇之地者羣書治要注壇作中說文土部云壇野
土也壇爲除地故謂之空壇謂置之空虛之野地不得居其都
邑也徐養原云按司徒序官廛人注杜子春以廛爲市中空地

周禮正義 禮五十五

五百四十六

疑塵亦與憚同也塵壇憚二字同音互相假借案徐說亦通鄭司農云壇讀從憚之以威之憚書亦或爲壇者釋文出憚之云本或無之字段玉裁改憚爲憚云今本作壇誤鄭司農讀從憚云從者以書有作憚者也憚之以威見左傳昭十三年黃丕烈亦從段校云本書注云書亦或爲者不易讀爲讀從之字前後注文可證案段黃說是也國語魯語云帥大雉以憚小國晉語云大罪伐之小罪憚之下又云伐備鍾鼓戰以錡于丁寧則憚與戰事同章注云憚懼也白虎通義誅伐篇云戰者何謂也尙書大傳曰戰者憚警之也先鄭讀爲憚蓋與晉語伏傳義略同謂憚卽伐之小者於義亦得通也云立謂置之空壇以出其君者依王霸記義破先鄭讀也黃以周云出謂出其君於壇對立

賢爲文惠士奇云置之空墾之地者幽之也荀子王霸曰官人失要則死公侯失禮則幽幽謂囚之左傳哀八年邾子無道吳子使大宰子餘討之囚諸樓臺梏之以棘使諸大夫奉大子革以爲政此古幽之之法蓋置之空墾之地制其出入不得自由亦不離其國內周書囚蔡叔于郭鄰幽之也叔率仍立其子伋於蔡則郭鄰乃空墾之地名明在蔡之境內矣案惠謂置之空墾爲幽是也鄭謂出其君者亦謂出其國都別置之空地不必出其國境也云更立其次賢者者亦增成王霸記義賈疏云以其古者不滅國故知更立次已下賢子弟野荒民散則削之荒蕪也田不治民不附削其地明其不能有疏注云荒蕪也者說文艸部云荒蕪也一日艸淹地也曲禮云地廣大荒而不治注

云荒穢也國語周語云田疇荒蕪韋注云荒虛也荀子疆國篇云國大荒者亡楊注云大荒謂都荒廢不治云田不治民不附創其地明其不能有者說文刀部云創析也射義云數有讓而創地賈疏云古者量地以制邑度地以居民地邑民居必參相得無曠土無遊民今言野荒民散由君政惡民並適彼樂國故民散而野荒是其君不能有故創之貢固不服則侵之貢猶恃也固險可依以固者也不服不事大也侵之者兵加其境而已用兵淺者詩曰密人不恭敢距大邦疏注云貢猶恃也者說文貝部云貢恃也一日受貨不償案注例凡云猶者皆段借引申之義此本義亦云猶者鄭說貢字義疑不與許同云固險可依以固者也者毛詩大雅天保傳云固堅也謂地險可自依恃也

堅固故不服也前敘官注云固國所依阻者也國曰固野曰險
散文則險固義通云不服不事大也者爾雅釋詁云服事也謂
不服事王及方伯云侵之者兵加其竟而已用兵淺者者卽上
引公羊傳云粗者曰侵是也穀梁僖二十六年襄八年傳並云
侵淺事也皆鄭所本國語晉語云襲侵密聲爲翹事也此卽莊
二十九年傳所謂無鐘鼓曰侵又穀梁隱五年傳謂苞人民毆
牛馬曰侵並鄭所不用賈疏云對伐是用兵深者以其罪輕直
侵之而已也論議案依經則侵宜兼從左氏義蓋古者用兵不
廢權謀負固不服則不易攻伐故潛師侵襲使失其所恃而後
可以服之鄭偏舉一隅爲釋耳引詩曰密人不恭敢距大邦者
大雅皇矣篇文密者毛傳云密須氏引之者證不事大之義

殺其親則正之正之者執而治其罪王霸記曰正殺之也春秋
僖二十八年冬晉人執衛侯歸之于京師坐殺其弟叔武疏賊
殺其親則正之者謂恣爲淫虐以非罪誅夷宗族者也凡五服
以內爲親掌戮云凡殺其親者焚之殺王之親者辜之注云親
總服以內是也 注云正之者執而治其罪者與前正邦國義
略同謂執其君正治其罪也鄭讀正如字文選鍾會檄蜀文李
注引此經作征疑馬干諸家讀與鄭異也引王霸記文爲釋謂罪尤重
也者鄭嫌執治其罪謂不殺故又引王霸記文爲釋謂罪尤重
者則正其罪而殺之也云春秋僖二十八年冬晉人執衛侯歸
之于京師坐殺其弟叔武者左傳云春晉侯伐衛衛侯出奔楚
使元臣奉叔武以受盟六月晉人復衛侯公子歆犬華仲前驅

叔武將沐閭君至喜提髮走出前驅射而殺之元而出奔晉冬
會于溫衛侯與元相訟衛侯不勝執衛侯歸之于京師鄭以衛
侯殺弟是賊殺其親晉執衛侯合於執而治其罪之義故引以
爲證若然親雖通服而以子弟爲尤重故公羊僖五年晉
侯殺其世子申生傳云殺世子母弟直稱君者甚之也何注云
甚之者甚惡親親也穀梁襄三十年天王殺其弟倭夫傳云君
無忍親之義天子諸侯所親者唯長子母弟耳蓋諸侯之尊兄
弟雖不得以屬通然無絕親之理故有殺親則正治其罪矣放
弑其君則殘之放逐也殘殺也王霸記曰殘滅其爲惡疏放弑
其君則殘之者釋文云弑本又作殺說文殺部云弑臣殺君也
白虎通義誅伐篇云弑者試也欲言臣子殺其君父不敢卒候

問司事可稍稍試之釋名釋喪制云下殺上曰弑弑伺也伺問而後得施也案弑殺經典多互譌釋文或本亦誤注云放逐也者說文支部云放逐也尚書大甲敘云伊尹放諸桐偶孔傳云不知朝政故曰放云殘殺也者方言云揪殺也晉魏河內之北謂揪曰殘賈疏云以殺解殘也經本不云殺不云滅云殘者蓋取殘賊殺之殺之苦毒故尚書梓材云戕敗人有注戕殘也又云無胥戕無胥虐注云無相殘賊無相暴虐是戕爲殘賊也異義鄭君以爲左氏宣十八年秋七月云邾人戕鄆子于鄆傳曰凡自內虐其君曰弑自外曰戕卽邾人戕鄆子是也自內弑其君曰弑者晉人弑其君州蒲是也雖他國君不加虐亦曰殺若加虐殺之乃謂之戕之取殘賊之意也若自上殺下及兩下

自相殺之等皆曰殺若然此經云殘者是加虐殺之罪非他國
君至於賊臣亦云殘也案賈引梓材注卽鄭書注佚文依賈說
則殘與賊義同宣十八年公羊傳云賊鄆子于緇者何殘而殺
之也又穀梁傳云賊猶殘也掄殺也范注云掄謂捶打殘賊而
殺鄆意此殘亦殘賊而殺之以放弑其君其罪尤重當在掌戮
焚辜之比也引王霸記云殘滅其爲惡者此訓殘爲滅也戰國
策秦策云昔智伯瑤殘范中行又衛策云魏文侯欲殘中山高
注並云殘滅也說苑權謀篇云荆伐蔡而殘之又云湯乃興師
伐而殘之遷桀南巢氏焉皆以滅爲殘俞樾云殘當讀爲翦氏
之翦鄭彼注曰翦斷滅之言也古或以踐爲之書序遂踐奄鄭
注曰踐讀爲翦是也又或以殘爲之史記周本紀作殘奄是也

周禮正義

禮五十五

十三

五百四十八

翦從前聲與戔聲相近故得通用成王翦奄正用大司馬法也
成二年左傳曰余姑翦滅此而朝食王霸記所謂殘滅其爲惡
者猶云翦滅其爲惡也依說文則字當作戔戈部戔滅也詩曰
實始戔商今詩閟宮篇作翦商凡言翦滅者皆戔之段字作踐
作殘又翦之段字矣案 命說是也尙書敘釋文引尙書大傳
云遂踐奄踐之云者謂殺其身執其家滿其宮蓋殘踐聲類同
皆滅國殺君之尤酷者與下外內亂禽獸行則滅之爲唯滅其
君異鄭訓殘爲殺王霸記又以殘滅爲說義實相成也犯令陵
政則杜之 命猶命也王霸記曰犯令者違命也陵政者輕政法
不循也杜之者杜塞使不得與鄰國交通疏注云令猶命也者
遂士注司說文口部云令發号也又口部云命使也文選長楊

賦注引春秋元命苞云命者天子之令賈子禮容語下篇云命制令也是命令互相訓引王霸記曰犯令者違命也者文王世子注云犯猶干也言干犯王之命令也云陵政者輕政法不循也者一切經音義引蒼頡云陵侵也謂輕藐國之政法不率循之是爲陵政也云杜之者杜塞使不得與鄰國交通也小爾雅廣詁云杜塞也說文支部云殷閉也讀若杜杜卽殷之段字謂杜塞其四境不得交通鄰國也惠士奇云戰國策中山稱王齊閉關不通其使以證之隘之者猶杜之也春秋莊十年宋人遷宿公羊曰遷之者何不通也以地遷之也何氏曰還繞也繞取其地使不得通四方蓋杜之也管子霸形楚欲吞宋要宋田夾塞兩川使水不得東流晉伐齊亦欲使齊之境內盡東其顧公

羊成二年傳齊國佐曰使耕者東顧是則土齊也土之言杜也此九伐杜之之法也古土杜通公羊注云以齊爲土地失之呂氏春秋簡選篇晉文公反鄭之埤東衛之敵者亦以此外內亂鳥獸行則滅之王霸記曰恃人倫外內無以異于禽獸不可親百姓則誅滅去之也曲禮曰夫唯禽獸無禮故父子聚麀疏外內亂鳥獸行則滅之者公羊莊二十六年傳云君死乎位曰滅左文十五年傳云凡勝國曰滅之又襄十三年傳云用大師焉曰滅誅滅去之亦謂用大師滅其君也惠士奇云滅之者滅其君不滅其國滅者誅君之辭誅君之子不立更擇其先世子孫賢者立之然則不曰誅而曰滅何也君死曰滅春秋吳敗頓胡沈蔡陳許之師于雞父胡子髡沈子逞滅杜預曰國雖存君死

日滅是也公羊謂邾婁之君貜淫九公子于宮中近乎外內亂
鳥獸行矣天子爲之誅顏而立其弟叔術則滅之之事也左傳
襄公四年日滅斟灌哀公元年又日殺斟灌王肅云古者滅殺
同名然則滅之者殺之而已 注引王霸記曰悖人倫外內無
以異于禽獸不可親百姓則誅滅去之也者于亦當作於外亂
謂外淫列女傳貞順篇云諸侯外淫者絕是也內亂謂內淫若
烝報也引曲禮曰夫唯禽獸無禮故父子聚麀者鄭彼注云聚
猶共也鹿牝曰麀引之者證經言鳥獸行也賈疏云按春秋公
羊左氏說凡征戰有六等謂侵戰伐圍入滅用兵麀獨不聲鍾
鼓入境而已謂之侵侵而不服則戰之謂兩陳交刃戰而不服
則伐之謂用兵精而聲鍾鼓伐而不服則圍之謂市其四郭圍

而不服則入之謂入其四郭取人民不有其地入而不服則滅之謂取其君此皆舉重而言假令先入後滅書入舉重已外盡然正月之吉始和布政于邦國都鄙乃縣政象之灋于象魏使萬民觀政象挾日而斂之以正月朔日布王政於天下至正歲又縣政法之書挾日十日也疏正月之吉始和布政于邦國都鄙者自此至職末並大司馬當官專領之職事所謂官常也大司馬於周正建子之月朔日布政於天下和當讀爲宣詳大宰疏賈疏云謂上九法九伐并下凡令以下皆此時布之云乃縣政象之灋于象魏使萬民觀政象者亦於正月吉布政之日縣政象之法使萬民觀之政象之法卽大司馬之官法九法等是也注云以正月朔日布王政於天下者大宰注義同云至正

周禮正義

禮五十五

其

楚學通本

爲近鄭司農云近當言畿春秋傳曰天子一畿列國一同詩殷
頌曰邦畿千里維民所止疏乃以九畿之籍施邦國之政職者
卽上九法施貢分職之事也九畿卽職方氏之九服國畿爲王
國不在其數司馬掌九畿故書酒誥謂之圻父詩小雅祈父毛
傳云祈父司馬也職掌封圻之兵甲祈圻畿字並通分建畿服
肇自唐虞周沿厥制而數則通異書禹貢云五百里甸服百里
賦納總二百里納鉅二百里納秸服四百里粟五百里米五百
里侯服百里采二百里男邦三百里諸侯五百里綬服三百里
揆文教二百里奮武衛五百里要服二百里夷二百里蔡五百
里荒服三百里蠻二百里流史記夏本紀說五服云令天子之
國以外五百里甸服甸服外五百里侯服侯服外五百里綬服

綏服外五百里要服要服外五百里荒服依史遷說則禹貢五服面各二千五百里兩面通五千里其總銓采男等卽當服五百里之政法僞孔傳說亦同是則彼之甸服當此國畿侯服當此侯畿綏服當此甸畿要服當此男畿荒服當此采畿也而鄭君書注之說則又不然詩商頌殷武孔疏云皋陶謨云禹曰予惟荒度土功弼成五服至于五千注云荒奄也奄大九州四海之士敷土旣畢廣輔五服而成之至於面各五千里四面相距爲萬里堯制五服服各五百里要服之內四千里曰九州其外荒服曰四海禹所弼五服之殘數亦每服者各五百里故有萬里之界焉又禹貢云五百里甸服每言五百里一服者是堯舊服每服之外更言三百里二百里者是禹所弼之殘數也堯之

五服服五百里耳禹平水土之後每服更以五百里輔之是五服服別千里故一面而爲差至於五千也賈逵馬融之說尙書云甸服之外每百可爲差所繙總經稻粟米者是甸服之外特爲此數其侯服之外每言二百一百里者還就其服之內別爲名耳非是服外更有其地也史記司馬遷說以爲諸小數者皆是五百里服之別名大畧與堯不殊四面相距爲五千里耳王肅注尙書摠諸義而論之云賈馬旣失其實篤立尤不然矣禹之功在於平治山川不在於拓境廣土土地之廣三倍於堯而書傳無稱焉則鄭之創造難可據信且其所以爲服之名輕重顛倒遠近失所難得而通先王規方千里以爲甸服其餘均平分之公侯伯子男使各有寰宇而使甸服之外諸侯皆人禾粟

非其義也史遷之旨蓋得之矣又齊譜疏引鄭注云甸服比周
爲王畿其甸當侯服在千里之內侯服爲甸服其甸當男服在
二千里之內綏服於周爲采服其甸當衛服在三千里之內要
服於周爲蠻服其甸當夷服在四千里之內荒服於周爲鎮服
其甸當蕃服在五千里之內據鄭書注所云則堯時五服方五
千里禹禪成五服之後服各彌五百里爲萬里周有天下地亦
方萬里與禹時同惟分五服爲九故王制注云禹承堯舜要服
之內地方七千里夏末既衰夷狄內侵諸侯相并土地滅國數
少殷湯承之更制中國分三千里之界亦分爲九州周公復唐
虞之舊域分其五服爲九其要服之內亦方七千里又詩齊譜
云周公致太平敷定九畿復夏禹之舊制是也蓋禹貢通畿內

爲五服此經除畿內爲九畿文本不同鄭欲齊而一之故爲此
說國語周語韋注漢書王莽傳顏注引服虔說並依鄭義今攷
禹貢五服之義當以史遷王孔之說爲允賈馬說以甸服總銓
諸文爲在服外而侯服以外四服所云采男等則又在服內一
經前後文同義異必不可通鄭復據賈馬釋甸服之義通之侯
綏四服謂每服畸零之文並爲禹所弼之數在本服五百里之
外審校文義旣未允協使果堯服五千禹弼爲萬里則宜更立
服名不宜并入舊服且將新弼舊一服之倍爲里二千甸服所
弼若通爲王畿是則禹之畿內倍於殷周揆之於理旣爲疏闊
若以所弼殘數分建邦國而仍冢甸服之名則於分服之義自
相違伐宜王肅庠其難通也然禹貢孔疏引肅弁瓊注云方五

千里者直方之數若其迴邪委曲動有倍加之較則又欲舉書禮里數倍半之差歸之道路弧直計算之異求之古籍既無塙證且道路迂曲較之鳥道雖有增多亦斷無倍加之理甘說仍不可據竊謂自禹至周更厯三代戶口日增疆宇漸闢故禹之九州五服爲五千里周之九州王畿并六服爲七千里每面益地千里差較無多理所宜有至於蕃國三服地既荒遠不過因中土畿服之制約爲區別王會所及蓋有不能盡以道里限者矣要之禹貢職方服數既異不宜彊爲比傅諸家之說削趾適屢鉏鋤益甚今無取焉云方千里曰國畿者周書作雒篇云乃作大邑成周于土中制郊甸方六百里因西土爲方千里呂氏春秋慎勢篇云古之王者必擇天下之中而立國天子之地方

千里以爲國所以極治任也賈疏云此據王畿內千里而言非九畿之畿但九畿以此國畿爲本向外每五百里加爲一畿也云其外方五百里曰侯畿者周語韋注云侯圻言諸侯之近者歲一來見也周書職方孔注云侯服爲王者斥候也賈疏云侯者候也爲天子伺候非常也云又其外方五百里曰甸畿者曲禮注云甸服治田出穀稅職方孔注云甸田也治田入穀也賈疏云甸者爲天子治田以出賦貢云又其外方五百里曰男畿者職方孔注云男任也任王事賈疏云男者任也任王者之職事云又其外方五百里曰采畿者曲禮注云采九州之內地取其美以當穀稅賈疏云采者采取美物以供天子云又其外方五百里曰衛畿者職方孔注云衛服爲王扞衛也賈疏云衛者

爲天子衛守云又其外方五百里蠻蠻者禹貢疏引鄭書注
云蠻者聽從其俗羈縻其人耳故云蠻蠻之言縉也職方孔注
云蠻服用事差簡慢賈疏云蠻者縻也以近夷狄縻繫之以政
教自此已上六服是中國之九州自此已外是夷狄之諸侯此
蠻服出大行人云要服亦一也言要者亦見要束以文教也詒
讓案此采衛蠻三服通言之亦曰四衛巾車云革路以封四衛
是也云又其外方五百里曰夷蠻又其外方五百里曰鎮蠻又
其外方五百里曰蕃蠻者賈疏云夷者以夷狄而得夷稱也鎮
者去中國稍遠理須鎮守蕃者以其最遠故得蕃屏之稱此三
服揔號蕃服故大行人云九州之外謂之蕃國世一見指此三
服也此云者衛服之內各舉一邊而言其實通稱唯蠻服以外

直據彼爲號不通中國之名也詒讓案蕃畿職方氏作藩服周書職方同孔注云藩服屏四境也案蕃爲屏蔽之義則當以藩爲正此經及大行人蕃國並作蕃者段借字也又案此九畿自侯畿至此衛畿五服面五千里爲中國故書康誥酒誥康王之誥說外服並止於采衛左襄十五年傳亦云王及公侯伯子男甸采衛大夫各居其列呂氏春秋慎勢篇又云凡冠帶之國丹車之所通不用象譯狄鞮方三千里並據此衛畿之內而言而職方九州則又外及要服卽此蠻蠻是面三千五百里也至周代古籍說畿服者亦多駁文國語周語祭公謀父曰夫先王之制邦內甸服邦外侯服侯衛賓服夷蠻要服戎狄荒服韋注亦依鄭義兼取禹貢與此經爲釋謂邦內甸服卽此經之國畿云

甸服者爲沿夏名邦外侯服卽此經之侯服侯衛賓服則統此經侯甸男采衛五服言之夷蠻要服卽此經之蠻服夷服戎狄荒服卽此經之鎮服蕃服蓋以五服咳此經之九服也然禹貢疏引韋注又以彼賓服卽禹貢之綏服則於此經當爲采衛二服非總舉五畿與今本章注復異今案國語以甸服爲畿內同於禹貢與此經甸在侯服外迥異攷書康誥云侯甸男邦采衛又酒誥云越在外服侯甸男衛邦伯一書作於周公致政以前而畿服之名已與此經同白虎通義爵篇引酒誥以爲殷制則此經九服或卽沿殷名亦未可知國語所云必祭公追紀古名故取禹貢五服而不取職方九服周語襄王謂晉文公曰昔我先王之有天下也規方千里以爲甸服義亦然也韋氏以此經

曲爲傳合說殊未安又周書王會篇云方千里之內爲比服方二千里之內爲要服方三千里之內爲荒服比與賓一聲之轉禹貢此珠字或作蠙是其證也彼比要荒三服卽周語所謂侯衛賓服夷蠻要服戎狄荒服也然無甸服所說里數與此經及禹貢又並不合疑皆傳寫譌互孔晁注以爲因殷之服名殊無塏證王制又云千里之內曰甸千里之外曰采曰流孔疏亦以殷制中國方三千里爲釋與此經畿服之制所差尤多皆非周制也 注云畿猶限也者毛詩商頌立鳥傳云畿疆也小爾雅廣詁云限疆界也是畿限義同說文田部云畿天子千里地以逮近言之則言畿也是畿爲國畿之專名引申之凡畿疆之限通謂之畿路史國名記引尚書大傳云圻者天子之境也諸侯

日境圻卽畿也畿境對文則異散文亦通云自王城以外五千里爲界有分限者九者此九畿卽謂九服之界限有九者不數國畿也王制孔疏引五經異義云今尙書歐陽夏侯說中國方五千里古尙書說五服旁五千里相距萬里許慎謹按以今漢地考之自黑水至東海衛山之陽至於朔方經略萬里從古尙書說鄭氏無駁與許同案此九畿面五千里爲界卽古尙書說五服相距萬里但服數不同據異義所云則漢時尙書古今文兩家說本不同今文說謂三代並方五千里則王城以外面二千五百里故王制注引孝經說云周千七百諸侯布列五千里內論衡別通篇云殷周之地極五千里是也馬鄭許三君則並從古文說禹貢與周並方萬里王城以外面五千里故王制疏

周禮正義

禮五十五

三百四十九

引鄭易注謂黃帝堯舜地方萬里三代之末地方五千里實則禹貢面二千五百里兩面方五千里此經九服面五千里兩面方萬里二經不同說禹貢者當從今文書義說此經者當從古文書義不容偏據也云籍其禮差之書也者說文竹部云籍簿書也禮差謂國之大小爵之尊卑及大行人說以九服之遠近定朝覲之疏數與貢物等左昭十三年傳子產曰爵卑而貢重者甸服也則職貢之籍服各不同若此之類皆著於書也云政職所共王政之職謂賦稅也者賈疏云案大宰云以九賦任萬民據畿內此九賦亦施與邦國則此政職也但施職事與之使萬民勤職而出賦稅諸侯得之以市取土毛以貢之則禹貢篚貢是也據民而出謂之賦稅據諸侯所送謂之貢也案鄭賈說

非也此政職卽謂邦國君臣所奉行之政治職事與上文分職義同詳前疏云故書畿爲近鄭司農云近當言畿者段玉裁云當言畿者當爲畿也畿聲斤聲文微二韻合音也丁晏云爾雅幾近也易小畜上九月幾望子夏作近中孚六四月幾望京作近引春秋傳者襄二十五年左傳鄭入陳子產獻捷于晉晉人曰何故侵小對曰昔天子之地一圻列國一同自是以衰今大國多數圻矣若無侵小何以至焉杜注云圻方千里同方百里此引圻作畿者先鄭據左氏古文與杜本異又引詩殷頌者玄鳥篇文先鄭引此二者證字當從畿之義凡合賦以地與民制之上地食者參之二其民可用者家三人中地食者半其民可用者一家五人下地食者參之一其民可用者家二人賦給軍

用者也令邦國之賦亦以地之美惡民之眾寡爲制如六遂矣
鄭司農云上地謂肥美田也食者參之二一假令一家有三頃歲
種二頃休其一頃下地食者參之一一田簿惡者所休多疏凡令
賦以地與民制之者此豕上施政職而并頒邦國授地令賦之
政法也 注云賦給軍用者也者所謂軍賦也別於大宰九賦
等爲給經用之賦云令邦國之賦亦以地之美惡民之眾寡爲
制如六遂矣者賈疏云此文承上邦國之下而云令賦是還據
邦國諸侯而說也按遂人上地夫一廛田百畝萊五十畝中地
家二百畝下地家二百畝與此上地食者參之二一合故鄭云邦
國如六遂矣詒讓案鄭言此者明此經二等授田上地食者二
之二與遂人六遂之制同與大司徒都鄙之制異也其三等任

民之法則與小司徒六鄉之制同遂人云以下劑致阡注云民雖受上田中田下田及會之以下劑爲率謂可任者家二人今此備上中下三劑則任民之法不與遂同也賈疏又據小司徒注謂授田有九等之法云若然則上地是上下之地應家八人一人爲家長可在者當云家七人今云家三人者經欲互舉以明義故以中地之上家七人見出上地之下家八人者明亦有上地之中上地之上又言下地食者參之一其民可用者家二人地卽據下地之上人卽據中地之下家五人者亦是互舉以明義故地舉其下人舉其中欲見亦有下內二等地及人也其說殊爲迂曲今並不取詳小司徒疏鄭司農云上地謂腴美田也食者參之二假令一家有三頃歲種二頃休其一頃者卽遂

人云上地田百畝萊五十畝也歲種其田而休其萊其大司徒都鄙三等田則上者不易之田家百畝彼無萊田皆歲種不休與此異也賈疏云舉上地只應云一頃五十畝而云二頃者直取參之二舉整言之或并二家而說也云下地食者參之一田薄惡者所休多者卽遂人云下地田百畝萊二百畝是也此皆歲瘠之地所休多謂若歲種一頃休其二頃也中春教振旅司馬以旗致民平列陳如戰之陳以旗者立旗期民於其下也兵者守圉之備孔子曰以不教民戰是謂棄之兵者凶事不可空設因蒐狩而習之凡師出曰治兵入曰振旅皆習戰也四時各教民以其一焉春習振旅兵入收斂專於農平猶正也疏中春教振旅者春習兵之法也以下四時習兵大田之制此官脩戰

法以教之亦政官官法之大端故其文特詳也教振旅者習戰
罷還師入國之事云司馬以旗致民者命司常置之司常云凡
軍事建旌旗及致民置旗弊之旬亦如之是也云平列陳如戰
之陳者說文肩部云陳列也經典通段陳爲之此教戰陳列軍
眾如臨敵接戰時之陳卽後大閱禮陳車徒之法是也但冬狩
章云左右陳車徒有司平之注以爲鄉師正其行列則此振旅
列陳亦鄉師平之司馬當蒞其事耳 注云以旗者立旗期民
於其下也者大司徒云大軍旅大田役以旗致萬民注云徵眾
刻日樹旗期於其下此與彼義同此所建卽九旗之熊旗後作
旗弊旗並同賈疏云謂大司馬素有田獵之期日今至期日立
熊虎之旗於期處以集眾吳廷華云司徒以旗致民此又致之

周禮正義

禮五十五

五百四十八

者司徒致於所治此則致之田所也云兵者守國之備者言兵械爲國守圉之備故必豫閑習之引孔子曰以不教民戰是謂棄之者論語子路篇文集解引馬融云言用不習之民使之攻戰必破敗是謂棄之引證必豫教民習戰之事云兵者國事者司常注同云不可空設因蒐狩而習之者賈疏云蒐狩是用獵之名欲行蒐狩先芟草萊教戰訖乃入防田獵是以書傳云戰闕不可空習故於蒐狩以閑之閑之者習之是其習兵因蒐狩也詒讓案儀禮經傳通解引尚書大傳公羊桓四年傳何注並云禽獸多則傷五穀因習兵事又不空設故因以捕禽獸所以其承宗廟示不忘武備又因以爲田除害穀梁昭八年傳云因蒐狩以習用武事禮之大者也續漢書禮儀志劉注引月令章

句云寄戎事之教于田獵武事不空設必有以誠故寄教于田獵閑肄五兵說並與鄭同云凡師出日治兵入日振旅皆習戰也者本穀梁莊八年治兵傳說司馬法仁本篇云天子大噫春蒐秋獮諸侯春振旅秋治兵所以不忘戰也案天子有振旅治兵諸侯亦有蒐獮司馬法皆錯互言之賈疏云按莊公八年正月甲午祠兵公羊傳曰祠兵者何出日祠兵入日振旅其禮一也皆習戰也注云禮兵不徒使故將出兵必祠於近郊陳兵習戰殺牲饗士卒左氏說治兵於廟禮也注云三年而治兵與秋同名兵革將出故曰治兵穀梁傳亦云出日治兵習戰也入日振旅習戰也鄭立於異義駁不從公羊云祠兵故云祠兵者公羊字之誤因而作說之亦不從左氏說治兵爲授兵於廟云於

周禮正義

禮五十五

天(楚)學(祖)本

五百四十九

周司馬職曰仲夏教芟舍仲秋教治兵其下皆云如戰之陳仲冬教大閱脩戰法虞人萊所田之野乃爲之如是治兵之屬皆習戰非授兵於廟又無祠五兵之禮案賈所引左氏舊注蓋賈服義左隱五年傳臧僖伯云三年而治兵入而振旅杜注云雖四時講武猶復三年而大習據彼文則四時講武之外復有三年之大習與公羊桓六年何注三年簡車漢書刑法志卒正三年簡徒事略同此經無文殆非周初之制互詳後疏云四時各教民以其一焉者以春教振旅爲戰罷收畝之事夏教芟舍爲在道舍止之事秋教治兵爲軍行出國之事冬教大閱爲兩軍接戰之事征伐則四事備有無事講習則四時分肄各教民以一事互相備也云春習振旅兵入收畝專於農者鄭中庸注云

振收也詩采芑箋云振猶止也旅眾也止與收義亦略同以春
農事方興故教以軍還人國收眾之事示使民專於農也爾雅
釋天云入爲振旅反尊卑也郭注云尊老在前復常儀也此釋
振旅之儀法與收眾之義亦不相悖公羊傳何注云將入難於
廢之故以振訊士眾言之國語吳語說吳軍謹釗振旅則何說
亦可通國語齊語韋注左傳隱五年杜注穀梁莊八年范注爾
雅釋天郭注漢書刑法志顏注皆釋振旅爲整眾此並與何訓
略同與鄭異也云平猶正也者前注同辨鼓鐸錡鑠之用王執
路鼓諸侯執賁鼓軍將執晉鼓師帥執提旅帥執鼙卒長執鐃
兩司馬執鐸公司馬執錡鼓人職日以路鼓鼓鬼享以賁鼓鼓
軍事以晉鼓鼓金奏以金鑠止鼓以金鐃通鼓以金錡節鼓鄭

司農云辨鼓鐸錫鑄之用謂鉦鐸之屬錫讀如濁其源之濁鑄讀如謹曉之曉提讀如攝提之提謂馬上鼓有曲木提持鼓立馬髦上者故謂之提杜子春云公司馬謂五人爲伍伍之司馬也立謂王不執賁鼓尙之於諸侯也伍長謂之公司馬者雖卑同其號疏辨鼓鐸錫鑄之用者春辨金鼓與夏辨號名秋辨旗物三時各辨其一唯冬兼備但春亦有號名旗物夏秋亦有金鼓唯詳略小異耳吳子應變篇云鼓之則進金之則退春振旅遷師宜習進退之節故以金鼓爲重孫子軍爭篇云軍政曰言不相聞故爲之金鼓視不相見故爲之旌旗夫金鼓旌旗者所以一人之耳目也吳語云王乃秉枹親就鳴鑼鼓丁寧鐸于振鐸勇怯皆應三軍皆譁鉦以振旅與此振旅辨鼓鐸錫鑄事相

應云主執路鼓者檀弓孔疏云兵車參乘若是元帥則在中央鼓下御者在左戈盾亦在右故成二年鞏之戰於是卻克爲中軍將時流血及屨未絕鼓音是將居鼓下也若天子諸侯親爲將亦居鼓下故戎右云賁王鼓成二年齊侯圍龍齊侯親鼓之是也若非元帥則皆在左御者在中故成二年韓厥自其車左居中代御而逐齊侯故杜預云其車自非元帥御者皆在中故熊氏以爲雖非元帥上軍下軍之將亦居鼓下故成十六年鄆陵之戰子重將左而云子重鼓之也故爲將皆在鼓下也以其親鼓故以爲鼓下案周禮諸侯執賁鼓軍將執晉鼓師帥執提旅帥執鞀豈皆居鼓下也其義恐非也案熊謂凡軍將皆居中與鼓下是也此經王侯及軍將所執路賁晉二鼓鄭謂皆建於

所自乘之車此皆大鼓必當車中建之則執之者亦必居中可知其師帥執提以下皆小鼓不必建於車中則執之者自可居車左熊竝不謂師帥以下皆居中央鼓下孔蓋失紃又案凡車上建鼓皆爲楹鼓左傳宣四年孔疏云車上不得置簣簣以縣鼓故爲作附若殷之楹鼓也鄭珍云車箱外三面皆有闢其式前之闢金鼓在焉左宣四年伯勞射王汰勢及鼓跗著於丁寧可見戰之後有鼓鼓之後有鉦鼓有跗者吳語載常建鼓章昭注鼓晉鼓也建謂爲之楹而樹之知古人戰車上是樹楹鼓鼓大跗小則中多空地鉦乃手所搖撼其大無幾當卽繫於跗裏卞八年齊殖綽郭最皆矜甲而縛坐於中軍之鼓下闢之長各如其輅式則左右軌兩縱木當隧前一分及前闢兩端之外皆

有四寸六分空地兩囚坐此鼓在其上非坐鼓下而何又云車之辨等衰者止在諸飾其長短廣狹須求合轍必無貴賤皆同據吳語十旌一將軍載常建鼓章昭謂鼓是晉鼓依周禮軍將執晉鼓之文自不誤但今以韠人計之晉鼓之木長六尺六寸鼗鼓長八尺面皆徑四尺古之鼓面在兩旁其樹於柁中面當空處雖不知高下跗要與韠相切爲晉鼓歟若以面向人木之占地總六尺六寸式內外分居三尺餘軍將卽須退式後三尺餘擊之則身必立當箱軫之際若以面向側四尺之面於式內亦居二尺其木適如車廣軍將居中手必繞出左右兩人之外乃及擊之若鼗鼓木長八尺面向人則擊者幾無立處面向側則且出車旁七寸矣皆無可者然旗鼓師之耳目斷無不建鼓

之理反覆釋之夏官言仲冬教大閱羣吏聽誓訖中軍以鼙令鼓鼓人皆二鼓司馬振鐸羣吏作旗車徒皆作鼓行注謂中軍中軍之將也三鼓者鼓人也鼓人師帥旅帥也中軍之將令鼓鼓人擊鼓以行之夫以大閱脩戰法中軍之將令鼓止用鼙而擊鼓率其卒伍以行者又止是師帥旅帥則所擊者亦止是提鼙耳臨戰所擊豈得異是若仲春教振旅此時本主於辨鼓鐸錫鏡之用故王以下所執不同然鼓坐作進退亦止是師旅之帥鼓以行之王及諸侯軍將不過以所執令之不必親登車擊鼙晉也路鼙晉之大旣不可建車上晉鼓下爲提然則軍將或王侯自將必皆建提下則建聲明矣賈氏中軍令鼓疏云將居鼓下以鼙晉圍長筭之人非居其下不可然如何擊之耶案鄭

子尹說是也據大僕凡軍旅贊王鼓注云王通鼓佐擊其餘面
賈彼疏亦以路鼓釋之是鄭意自謂王在軍所乘戎路實建路
鼓王親與大僕等同擊之則謂諸侯軍將等兵車亦實建鼓晉
諸鼓可知賈申鄭自不誤然子尹依三鼓廣長之度筭之建與
擊皆不能無所妨礙故疑此經爲習戰之禮王侯等不必親登
車擊鼓若臨戰則王侯軍將車所建而擊者亦不過提鼙等小
鼓今攷鼓附高度經注無明文以考工記總敘說兵事六等之
度推之車軫四尺人長八尺通爲一丈二尺轉人注謂衡高八
尺七寸轉曲中高度與彼等則與人要腹正相值也左傳謂鼓
附與轡高相直而以徑四尺長六尺至八尺之鼓縣其上無論
附之爲直木曲木鼓之爲直向側向縱不觸人首亦必蔽人目

矣儻更出人首之上則跗木必長一丈三尺以上以一丈三圓尺之木建徑圓尺長六尺至八尺之鼓車行不搖抗不安乎是其不能絕無所破明矣況大閱禮中軍以擊令鼓曰令鼓則非親擊可知若中軍將車自建晉鼓何不自擊晉鼓以令之而必擊鞀以令鼓人鼓之乎竊疑此經師即執提以下其鼓較小皆是親執其軍將以上職位較崇所用三鼓廣長之度絕侈將車所不易建當別以車載之則三鼓不必親執經以輿下提鞀等牽連並舉故通言執耳吳語將軍建鼓文例亦同實則王侯軍將所親執者仍是鞀與大閱禮中軍用鞀同也其大師王在軍臨戰之時王車亦止載鞀以令鼓而鼓人則乘副車載路鼓以從之如大閱中軍以鞀令鼓而後鼓人三鼓被鼓人卽地官之

屬所鼓者蓋卽路鼗晉諸鼓別載以從者也諸侯軍將以下當
亦如是左傳伯勞射楚王車及鼓附亦卽鼗散文通稱猶吳語
嬖大夫提鼓卽此旅師所執之鼗耳肆師注引尙書大傳說武
王觀兵事云王升舟入水鼓鍾亞是水行鍾鼓不與王同舟則
陸行鍾鼓亦必別建於副車行軍又有鍾鐸而軍將所令亦止
用鐸鐸皆足相比例夫然則三鼓雖大而專車以載當無難容
之處而鼓人唯掌擊鼓不執它事亦當無不能擊之虞於理勢
儻有合乎古軍禮亡佚將鼓別載無可證論惟大閱中軍用鼗
而鼓人別鼓可相排涉而注又誤釋鼓人爲師帥旅帥其制彌
隘子尹知三鼓必非將車所能建而不知其有別載之法後文
大閱禮卽其塙證也云軍將執晉鼓者釋文軍將作將軍云本

周禮正義

禮五十五

三百四十八

或作軍將案國語吳語云吳王陳士卒百人以爲徹行百行行頭皆官師擡鐸十行一雙大夫提鼓十旌一將軍建鼓彼將軍建鼓卽此將軍執晉鼓軍將卽將軍也韋注引此經亦作將軍執晉鼓與陸本同左傳昭二十八年公羊宣十二年穀梁文五年傳國語晉語大戴禮記衛將軍文子篇亦並有將軍之文或此經舊本如是不必與師帥旅帥等同也云旅帥執鼙者卽吳語雙大夫提鼓旅帥下大夫也云兩司馬執鐸者卽吳語官師擡鐸兩司馬中士也韋注據彼百人爲行以官師爲卒長上士案祭法官師與適士廢制不同則官師自當爲中下士或吳制百人之長以中下士爲之與王朝制異彼注又引賈逵唐周虞翻說以官師爲大夫則誤韋氏亦不從也 注引鼓人獻者證

三鼓三全之用彼文賁鼓作鼗鼓賁卽鞀之省詳彼疏據此經是路鼓音鼓亦軍事所用彼各舉一端爲義文不具也鄭司農云辨鼓鐸錫鑣之用謂鉦鐸之屬者賈疏云案司馬法云十人之長執鉦百人之帥執鐸千人之帥執鼗萬人之主執大鼓義與此同故引之爲證也詒讓案鼓人注云錫鉦也形如小鍾說文金部云錫鉦也鉦鑣也似鈴鑣小鉦也是錫鑣皆鉦之類故總云謂鉦鐸之屬以駭之司馬法以什計數與吳語陳制正同而與此經軍制則異先鄭似不必據彼文互詳敍官疏云錫讀如濁其源之濁者此擬其音也段玉裁云淮南子漢書禮樂志皆有濁其源之語云鑣讀如謹曉之曉者賈疏云從毛詩云以謹謹曉案賈引毛詩卽大雅民勞篇以謹愷敍釋文本鄭箋云

惛惛猶謹謹也曉諛字通釋名釋樂器云鐃聲謹謹也云提讀如攝提之提者史記天官書云大角旁星曰攝提索隱引春秋元命苞云攝提之爲言提攜也此擬其音而義亦同也云謂馬上鼓有曲木提持鼓立馬髦上者故謂之提者說文手部云提挈也國語吳語之提鼓卽鞀又越語云范蠡乃左提鼓韋注亦並訓提爲挈此提鼓當大於鞀而其可提挈則同故卽以提爲名髦謂馬鬣詩魯頌黑孔疏云髦卽是鬣皆謂馬之鬣也案依先鄭說提鼓蓋以曲木爲柄人立馬上提持之鼓下垂與馬之鬣相直然此章路鼓以下並據在車言之不宜師帥執提獨爲單騎賈疏亦駁之云此先鄭蓋據當時已有單騎舉以況周其實周時皆乘車無輕騎法也莊存與云古人車戰無騎兵馴馬

夾轅去隊十二三尺安得有提持之鼓立馬髦上而鼓之鄭珍
云先鄭以漢法況周然此可推古提鼙之制其木必短建車上
者跗必曲木折向外令其面適當式前高或及膺乃使軍將之
擊案賈莊鄭諸說是也御覽樂部引大周正樂云馬上之鼓曰
提鼓有木可提執蓋卽沿先鄭此注之誤竊謂提鼓以提爲名
固當有柄可以提持但不必在馬髦上耳說文敘部云鼙騎鼓
也玉燭寶典引蒼頡篇云鼙馬上鼓也疑禮家舊說又有釋旅
帥執鼙爲騎鼓與先鄭釋提略同其說亦非也鼙詳小師疏杜
子春云公司馬謂五人爲伍伍之司馬也者以其在兩司馬之
下故知爲伍之司馬敘官云五人爲伍伍皆有長是也敘官又
云家司馬各使其臣以正於公司馬彼以王國對都家言之謂

之公乃軍司馬以下之通稱與此公司馬爲伍長異云玄謂王不執賁鼓尙之於諸侯也者賈疏云按鼓人職賁鼓鼓軍事計王在軍自爲元帥自合執賁鼓今不執賁鼓者見諸侯因朝而來與王爲賓客故讓之使執賁鼓故云尙之於諸侯案賈說謬也廣雅釋詁云尙加也高也尙之於諸侯言尊王加之諸侯之上以示殊異此三鼓並依大小尊卑差次用之據鼓人六鼓之次路鼓尊於鼙鼓今諸侯旣執賁鼓王不可與彼等故尊異之而執路鼓非謂王讓於諸侯而不執賁鼓也云伍長謂之公司馬者雖卑同其號者賈疏云按諸官大夫乃與大官同號率夫已下并上士中士下士皆不能與大官同號今於序官大司馬之下上士得號與司馬中士得號行司馬及在軍二十五人長

中士號兩司馬五人長下士號公司馬皆與大官同號者以司馬主軍軍事主嚴雖卑得同號也案賈說未塲諸司馬官卑而同卿號者以其同主兵耳左成二年傳齊有銳司徒辟司徒襄十八年傳鄭有野司寇然則他官亦有正屬同名者無義例也以教坐作進退疾徐疏數之節習戰法疏以教坐作進退疾徐疏數之節者說文士部云墜止也重文坐古文墜案坐本訓止引申之凡坐地坐席並謂之坐江永云古人之坐兩膝著席而坐於足與跪相似但跪者直身臂不著地又謂之跽跪危而坐安曲禮疏云坐亦跪也坐通名跪跪名不通坐此跪坐之別也案江說是也此坐陳卽跪地也郊特牲說軍旅之事云左之右之坐之起之以觀其習變也賈疏云按下大閤禮備軍法虞人

萊所田之野下文云中軍以鼙令鼓鼓人皆三鼓已下有此坐作進退疾徐疏數之節彼大閱具言於此略說有此坐作之法

注云習戰法者據後大閱云脩戰法教之卽所以習之也遂

以蒐田有司表貉誓民鼓遂圍禁火弊獻禽以祭社春田爲蒐

有司大司徒也掌大田役治徒庶之政令表貉立表而貉祭也

誓民誓以犯田法之罰也誓曰無干車無自後射立旌遂圍禁

旌弊爭禽而不審者罰以假馬禁者虞衡守禽之厲禁也既誓

令鼓而圍之遂蒐田火弊火止也春田主用火因焚萊除陳草

皆殺而火止獻猶致也屬也田止虞人植旌罽皆獻其所獲禽

焉詩云言私其穢獻眉于公春田主祭社者土方施生也鄭司

農云貉讀爲禡禡謂師祭也書亦或爲禡疏遂以蒐田者春大

田之法也云有司表貉者賈疏云按下大閱禮遂以狩田以下云以旌爲左右和之門羣吏各帥其車徒以紘和出左右陳車徒有司平之旣陳乃設驅逆之車有司表貉于陳前此亦當如彼但春非大備故亦略言也云誓民者賈疏云卽下大閱禮羣吏聽誓於陳前鄭引月令司徒北面誓之是也江永云田時誓有一二前誓在列陳之後戒其坐作進退之不用命也後誓在表貉之後戒其從禽之不如法也春冬各言其一疏引大閱羣吏聽誓解有司表貉誓民未密案江說是也前誓習戰之誓誓以軍法卽大閱陳車徒羣吏聽誓于陳前是也後誓田獵之誓誓以田法此表貉後之誓是也云鼓遂圍禁者賈疏云卽下文中國以轉令鼓鼓人皆三鼓已下是也旣誓令鼓而圍之云火弊

獻禽以祭社者賈疏云此因田獵而祭非月令仲春祭社也

注云春田爲蒐者爾雅釋天云春獵爲蒐郭注云搜索取不任者左隱五年傳云春蒐杜注云蒐索擇取不孕者說苑脩文篇云蒐者搜索之國語周語云蒐於農隙韋注云春田曰蒐蒐擇也禽獸懷妊未著搜而取之也義並略同蒐字又作按祭義狻狻注云春獵爲狻齊語云春以狻振旅韋注引此經作狻田又作搜玉燭寶典引月令章句述此經作搜田說之云搜索其不孕任者以供宗廟之事淮南子秦族訓云時搜振旅以習用兵也許注云搜簡車馬也漢書刑法志亦云春振旅以搜案狻狻與蒐並聲近義同又公羊桓四年傳春日苗秋日蒐何注云蒐簡擇也簡擇幼稚取其大者春秋繁露深察名號篇云春苗秋

蒐從公羊說也穀梁桓四年傳春日田秋日蒐范注云取獸於
田蒐擇之舍小取大左傳隱五年孔疏引白虎通義云春謂之
田何春歲之本舉本名而言之也秋謂之蒐何蒐索肥者也從
穀梁說也御覽資產部又引韓詩內傳云春日敗夏曰狝一傳
及韓詩諍並與此經義異云有司大司徒也掌大田役治徒庶
之政令者據大司徒職文月令季秋教田獵亦云司徒指扑北
面誓之鄭以經有司通表貉誓民爲文意表貉誓民事相因並
司徒主之也鄭鑄云有司者肆師甸祝也肆師大田獵祭表貉
則爲位甸祝掌四時之田表貉之祝號則有司謂此二官明矣
王昭禹姜兆錫秦蕙田莊有可說同黃以周云肆師爲表貉之
位甸祝掌表貉之祝號與誓民無與案黃說是也表貉自是肆

師甸祝所掌而誓民則當爲司徒注與鄭鑄說相兼乃備云表
貉立表而貉祭也者表卽後大閱禮列陳之處二百五十步爲
四表貉祭蓋當最南第一表祭之肆師注云貉師祭也於所立
表之處爲師祭祭造軍法者禮氣勢之增倍詳彼疏云誓民誓
以犯田法之罰也者將田先以犯田法之罰與民誓之使民不
犯卽士師田役之禁是也賈疏云當司徒北面誓之時小子斬
牲以左右巡陳也云誓曰無干車無自後射者自此至罰以假
馬並誓辭賈疏云此據漢田律而言無干車謂無干犯他車無
自後射象戰軍不逐奔走又一解云前人已射中禽後人不得
復射彼又云無面傷之等象降者不逆擊之案士師注引此首
二語作軍禮黃以周以爲司馬法逸文近是賈疏謂出漢田律

疑不足據又士師疏引鄭易注釋無自後射謂不中之後不復
重射與此所述二義又不同黃以周云無干車者謂各守車行
毋躡犯他轍而逐獸也無自後射者謂各安徒列毋自人後而
爭射前禽也案黃說亦近是但無自後射止是恐其誤傷前人
耳似不必專屬徒言也云立旌逐圍禁者賈疏云旌則下文大
閒禮云旌居卒閒者是也詒讓案此云圍禁王制云天子不合
圍曲禮云國君春田不圍澤者王制孔疏云天子四時田獵皆
得圍但圍而不合是也云旌斨爭禽而不審者罰以假馬者旌
斨卽什旌止田也田止則屬禽故有爭禽之罰投壺云請爲勝
者立馬鄭彼注云馬勝算也謂之馬者若云技藝如此任爲將
帥乘馬也賈疏云謂獲禽所筭之籌罰者謂効功時爭禽不審

卽罰去其簪陳祥道云漢人格五之法有功馬散馬皆刻馬象而植焉假馬投壺之馬蓋亦如此孔廣森云馬者蓋刻木爲馬象亦中之類案陳孔說是也鄭云勝筭蓋亦以馬爲籌名云禁者虞衡守禽之厲禁也者卽述人云掌邦田之地政爲之厲禁而守之是也以田必於山澤則守禽當亦虞衡所掌山虞林衡川衡澤虞諸職所云掌山林川澤之禁令政令蓋並兼守禽之雜禁言之賈疏襍引山虞澤虞二職使民守厲禁爲說不知彼自爲民間占伐林木占取澤物之事與田獵守禽之禁無與也云既誓令鼓而圍之遂蒐田者司徒誓畢鼓人乃鼓進眾遂圍其厲禁而蒐田也云火弊火止也者獸人弊田注云弊什也什而田止此四時田獵凡云弊者義皆爲止後車弊羅弊徒弊並

同云春田主用火因焚萊除陳草者此所謂火田也爾雅釋天
云火田爲狩左桓七年經二月焚咸丘孔疏引李巡孫炎爾雅
注云放火燒草守其下風郊特牲云季春出火爲焚也然後簡
其車賦而歷其卒伍而君親誓社以習軍旅注云謂焚萊也凡
出火以火出建辰之月火始出君親誓社誓吏士以習軍旅而
遂田以祭社也言祭社則此是仲春之禮也仲春以火田田止
弊火然後獻禽至季春火出而民乃用火今云季春出火乃誓
社記者誤也據彼注則火未出得先焚萊故牧師亦云孟春焚
牧又羅氏注引王制昆蟲未蟄不以火田之文以爲十月卽得
火田故王制疏以爲十月以後至中春並得火田此中春大蒐
所焚地尤廣以萊是草地春時新草將生故因獵而大焚陳草

使新草易生也云皆殺而火止者謂將殺圍禁而火作既殺則以火息爲田止之節王制疏說此火弊云謂殺獲禽獸將畢總放火焚萊而後止依孔說則似田止而後火作非也云獻猶致也屬也者鄭以此及後夏苗云獻禽秋獮冬狩及山虞並云致禽澤虞又云屬禽三者文異事同田僕云及獻比禽義亦同也然冬狩章先云致禽後又云入獻禽以享烝以文例推之則此獻禽自指獻薦於社而言與田僕義異又甸祝致禽于虞中乃屬禽彼注云致禽使獲者各以其禽來致於所表之處屬禽別其種類則致與屬義亦自不同蓋此及夏苗云獻禽將獻必先致之經言獻以見致也秋獮云致禽既致後亦獻之經言致以見獻也三章各偏舉一事惟冬狩文特詳故致獻兩載此經文

詳略互見之例也至致後獻前更有屬禽之節以句祝文推之亦四時備有可知彼此推校致屬獻二事節次甚明鄭並三者爲一似失之云田止虞人植旌眾皆獻其所獲禽焉者山虞云及弊田植虞旗于中致禽而珎焉又澤虞職云及弊田植虞旌以屬禽則山田用旗澤田用旌此止云植旌者旌旗散文得通獻其所獲禽獻於虞旌界域之中也引詩云言私甘穠獻肩于公者豳風七月篇文義詳後引之者證獻禽之事彼雖獻之于公然獻公與獻神事相因故鄭引以證義云春田主祭社者土方施生也者以社爲五土總神故於土方施生之時獻禽以祭之此卽郊特牲所說君親誓社之事仲春自有所社之正祭與此不同此獻禽之禮當殺於正祭也鄭司農云貉讀爲禡禡謂

周禮正義

禮五十五

三

禮學社本

五百四十九

師祭也書亦或爲禱者先鄭依毛詩大雅禮記王制爾雅釋天
諸文破貉爲禱故書或本亦正同後鄭雖用先鄭義而不從其
破字故引之在後詳肆師甸祝疏中夏教菱舍如振旅之陳羣吏
撰車徒讀書契辨號名之用帥以門名縣鄙各以其名家以號
名鄉以州名野以邑名百官各象其事以辨軍之夜事其他皆
如振旅菱讀如萊沛之沛菱舍草止之也軍有草止之法撰讀
日算算車徒謂數擇之也讀書契以簿書校錄軍實之凡要號
名者徵識所以相別也鄉遂之屬謂之名家之屬謂之號百官
之屬謂之事在國以表朝位在軍又象其制而爲之被之以備
死事帥謂軍將及師帥旅帥至伍長也以門名者所被徵識如
其在門所樹者也凡此言以也象也皆謂其制同耳軍將皆命

鄭古者軍將蓋爲營治於國門魯有東門襄仲宋有桐門右師
皆上卿爲軍將者也縣鄙謂縣正鄙師至鄰長也家謂食采地
者之臣也鄉以州名亦謂州長至比長也野謂公邑大夫百官
以其職從王者此六者皆書其官與名氏焉門則襄仲右師明
矣鄉則南鄉甄東鄉爲人是也其他象此云某某之名某某之
號某某之事而已未盡聞也鄉遂大夫文錯不見以其素信于
民不爲軍將或爲諸帥是以闕焉夜事戒夜守之事草止者慎
於夜於是主別其部職疏中夏教養舍者夏習兵之法也云如
振旅之陳者卽如戰之陳也云羣吏撰車徒讀書契者說文是
部云徒步行也賈疏云羣吏謂軍將至伍長各有部分皆選擇
其在車甲士三人步徒七十二人之等書契謂兵事簿書之要

契此小宰之八成云師田以簡稽一也云辨號名之用者賈疏
云此帥以門名已下是也云以辨軍之夜事者明菱舍習戰以
夜與大閱質明而陳異也江永云夏菱舍是習夜戰之事齊語
云夜戰聲相聞夏月晝熱夜涼宜於此時習之將帥以號名別
之亦是便於夜也案江說是也六韜敵強篇云敵人夜來當明
號審令出我勇銳冒將之士人操炬火二人同鼓必知敵人所
在或擊其表裏微號相知令之滅火鼓音皆止是夜戰用微號
之事 注云菱讀如萊沛之沛者段玉裁云此擬其音也賈疏
云按王制云居民山川沮澤注云沮謂萊沛時俗有水草謂之
萊沛故讀從之也丁晏云菱沛聲相近毛詩武王載旆說文引
作拔是其例也云菱舍草止之也者謂於野地芟除草萊而軍

止其中除草而不除地故謂之草止詩召南甘棠召伯所茇毛傳云茇草舍也孔疏云茇者草也草中止舍故曰茇舍引此注作草止也無之字小雅車攻疏及玉燭寶典引並同疑今本涉下而行說文艸部云茇草根也春艸根枯引之而發土爲撥故謂之茇廣部云廢舍也引詩茇作廢呂飛鵬云據此則廢爲廢舍正字詩召南及此經作茇傷十五年傳作拔舍皆假借也魏徵羣書治要引此作拔舍詒讓案毛鄭並訓茇爲草訓舍爲止故車攻毛傳云大茇草以爲防或舍其中防者田之大界舍其中卽所謂茇舍草止也茇說文字作廢而卽訓爲舍與毛鄭異依許義則經茇舍二字同訓文例重複不若毛鄭之允漢書刑法志云夏拔舍以苗顏注云拔舍草止不妨農也左傳十五年

傳晉大夫反首拔舍從之杜注云拔革舍止此並以拔爲茷杜
顏注說亦同毛鄭惟漢書禮樂志拔蘭堂注云拔舍止也此字
亦作拔而以說文拔字說解釋之蓋茷拔廢聲類同義得通也
詩鄘風載馳毛傳云草行日跋跋茷義亦相近云軍有草止之
法者尉繚子武議篇云吳起與秦戰舍不中隴敵模幘蓋之以
蔽霜露卽行軍草止之事左襄二十八年傳子產相鄭伯以如
楚舍不爲壇外僕曰今子草舍無乃不可乎彼云草舍亦卽此
茷舍也蓋行旅往來雖有野舍亦必除地爲壇掌舍所謂壇隨
宮也軍行所久止之處亦有軍舍量人云營軍之壘舍是也惟
在道暫息則除草而舍不除地爲壇壇以軍事尙嚴不求安適
也云撰讀曰算算車徒謂數擇之也者丁晏云易繫辭維物撰

德釋文撰鄭本作算古撰算通用段玉裁云此易撰爲算也說
文竹部曰算數也論語何足算也鄭注算數也邶詩威儀棣棣
不可選也小雅車攻曰選徒囂囂毛傳皆訓選爲數而漢書引
邶詩作不可算此撰車徒注亦讀爲算訓爲數擇選撰算二字
聲類同也案段說是也詩小雅車攻敍亦云宣王復會諸侯於
東都因田獵而選車徒焉撰車徒卽選車徒也旣陳恐車徒或
有空闕及解怠者故使軍吏更數擇之此所選者爲旣陳之車
徒與未陳前之致民異韓非子外儲說左云宋襄公與楚人戰
於涿谷上楚人已成列撰陳矣公乃鼓之宋人大敗撰陳亦卽
撰車徒也云讀書契以簿書校錄軍實之凡要者簿舊本作簿
案簿雖古字然注例簿書宋皆不作簿宋本並作簿與釋文合

今從之司會注云書謂簿書契其最凡也此義與彼同賈疏謂
卽小宰八成之聽師田以簡稽今案小宰別云聽取予以書契
與簡稽所用異此師田而曰讀書契者對文則別散文得通書
契凡要並詳小宰疏軍實謂兵甲器械詳獸人疏云號名者徵
識所以相別也者司常掌九旗之物名各有屬以待國事注云
屬謂徵識也大傳謂之徵號徵識號名義並同賈疏云卽
司常注三者旌旗之繡者也皆綴之於膊上以別死者也惠士
奇云幟象鉞旌被之於背是爲幟說文巾部謂以絳幟著於背
春秋傳揚徽者公徒東京賦戎士介而揚揮薛綜云揮爲肩上
絳幟如燕尾然則幟垂於肩被於背圖策齊策秦攻齊威王使
章子將而應之與秦交和而舍章子爲變其徽章以襍秦軍皆

遂之例云在國以表朝位在軍又象其制而爲之被之以備死
事者司常注云事名號者徽諱所以題別羣臣樹之於位朝各
就焉今大闕禮象而爲之兵凶事若有死事者亦當以相別也
與此注義同然徽諱亦不徒別死事並詳司常疏云帥謂軍將
及師帥旅帥至伍長也者卽上文羣吏及後軍吏是也以其尊
卑雖殊同是統率兵卒故皆謂之帥云以門名者所被徽諱如
其在門所樹者也者凡軍帥在門各樹大旌旗在軍所被徽諱
制度雖短小亦如大旌旗之制也云凡此言以也象也皆謂其
制同耳者賈疏云以謂若經云帥以門名已下至野以邑名已
上五者皆言以也惟百官云象此六者以象雖異其制則同皆
小旌旗也云軍將皆命卿者殺官文云古者軍將蓋爲營治於

國門者謂於國門之內爲寺舍也國語吳語越王命有司大令
于國曰苟任戎者皆造於國門韋注云國門城門也賈疏云此
解軍將得以門爲名者只由非常之急要在於門故使卿在門
住而營治其門故也惠士奇云詩鄭風緇衣正義引舜典曰闢
四門鄭注曰卿士之職使爲已出政教於天下言四門者亦因
卿士之私朝在國門魯有東門襄仲宋有桐門右師是後之取
法於前也宋有澤門哲吳有胥門巢宋向戌稱盧門合左師而
華氏亦居盧門皆卿而爲軍帥者云魯有東門襄仲者襄仲莊
公子公子遂也僖二十六年經公子遂如楚乞師左傳云東門
襄仲杜注云襄仲居東門故以爲氏又宣十八年傳遂東門氏
是也云宋有桐門右師者賈疏云接春秋左氏傳昭二十五年

是物也又云墨子旗幟篇曰吏卒男女皆辨異衣章衣章者小
徽幟也城上吏置之背卒於頭上城下吏卒置之肩左軍於左
肩右軍於右肩中軍置之胸蓋被之以備死事者也大旗署自
戶邑及他人財物建旗其署令皆明白知之曰某子旗若國語
齊語高子之鼓國子之鼓所以題別眾臣在朝表位在軍象事
某某之名某某之號其用蓋如此尉繚子經卒令曰卒有五章
前一行蒼章次二行赤章次三行黃章次四行白章次五行黑
章前一五行置章於首次二五行置章於項次三五行置章於
胸次四五行置章於腹次五五行置章於腰自腰至首五色爲
章九旗之屬也案惠引墨子尉繚子證此徽幟是也毛詩小雅
六月箋云徽幟將帥而下皆著焉蓋徽幟似旌旗而小軍禮用

之著於將卒之身尉繚子所云卽其遺制周書世俘篇云謁戎殷于牧野王佩赤白旂蓋卽徽識之類是王亦著之不僅將帥也其小徽識亦著羽故國語晉語晉攻狄卻叔虎被羽先登克之後漢書賈復傳李注謂被羽卽析羽之旌是也據齊策說章子變徽章以紆秦軍則軍有徽章所以識別部曲其用甚廣而鄭賈並專據備死事爲說於義殊隘云鄉遂之屬謂之名者鄭以經云縣鄙各以其名是六遂又云鄉以州名是六鄉亦卽司常所云州里各象其名也云家之屬謂之號者以經云家以號名亦卽司常所云家各象其號也賈疏云謂都家之內從大夫至士云百官之屬謂之士者以經云百官各象其事司常職同賈疏云從王朝六卿已下至下土野以邑名鄭雖不言亦在鄉

春叔孫媼聘於宋桐門右師見之注云右師宋師樂大心也其
室居桐門故曰桐門右師是宋有桐門右師也引之證將帥得
以門名之事案賈引左傳注蓋賈服義云皆上卿爲軍將者也
者鄭意襄仲及樂大心並以上卿爲軍將營治在國門故以門
爲氏號云縣鄙謂縣正鄙師至鄰長也者鄭意此六遂之屬官
舉縣鄙以胙鄙里鄰也下注云鄉遂大夫文錯不見故不數遂
大夫也案此縣鄙當從江永姜兆錫方苞說爲公邑鄭以爲遂
屬非也詳宰夫司常疏云家謂食采地者之臣也者舉家以胙
都通指二等采地之臣謂若都家司馬之屬賈疏云食采地是
公卿大夫其身任朝其臣在采地若公山弗擾之類今隨王在
軍故以家號爲名也云鄉以州名亦謂州長至比長也者六鄉

周禮正義

禮五十五

五百四十九

之屬官舉州以眩黨族閭比也司常云州里建輿與此同鄭意
不闕鄉大夫今案鄉大夫之不爲軍帥者當亦入此云野謂公
邑大夫者後注同賈疏云謂爲四等公邑若載師職公邑自甸
以出至五百里其長二百里二百里如州長四百里五百里如
縣正長下皆有屬官在軍者皆以邑爲名鄭鑄云野六遂也六
遂於鄉長言邑中之政於里宰言掌比其邑之眾寡於遂大夫
言凡爲邑者此六遂爲邑之證也案鄭鑄說是也江永姜兆錫
方苞莊有可說並同此野以邑名與鄉以州名連文則野爲六
遂卽遂人掌邦野之野無疑縣師縣士皆以公邑爲野而此上
文縣鄙已爲公邑則野中不得又有公邑與後治兵郊野之野
不同六遂在甸凡甸稍縣都通謂之野互詳遂人疏云百官以

其職從王者者以職從王謂無地治但有職事也賈疏云謂三百六十官各以其職事從王在軍若大宰下六十官隨其長從王皆以事爲號也云此六者皆書其官與名氏焉者賈疏云六者謂經五以一象假令爲官則云大司徒下某官姓名某也云阿則襄仲右師明矣者謂已釋於上云鄉則南鄉甄東鄉爲人是也者惠士奇云廣韻一東引世本有宋大夫東鄉爲似東鄉氏而爲名又二十二覃晉國高士全隱於南鄉因以爲士則南鄉甄者亦氏南鄉而名甄也賈疏謂甄與爲人皆當時鄉名失之段玉裁云左傳文七年正義云世本宋桓公生公子鱗麟生東鄉瞳是則左傳鱗瞳世本作東鄉瞳甄注必出世本廣韻引世本奪人字耳案惠段謂鄭據世本是也南鄉甄無攷新唐書

宰相世系表云宋戴公生公子充石字皇父皇父生季子來來生南雍與南雍與疑卽南鄉甄之誤又左傳襄九年孔疏引服虔云皇鄧皇父充石之後十世孫宗鄉爲人之子大司馬椒也宗鄉爲人亦疑卽東鄉爲人之誤蓋二人皆系出戴公左成十五年傳宋別有向爲人則傳云桓族與東鄉爲人異世系表及服說當並出世本今世本旣佚二書展轉援引又多謬舛遂莫能參證矣云其他象此云某某之名某某之號某某之事而已未盡聞也者此鄭以意推定縣鄙家野百官四者號名之式也軍帥及鄉上文已釋訖此某某之名乃專據縣鄙與野言之蓋鄭意縣鄙所書云某某者卽其縣鄙之名野所云某某者卽其邑之名餘如家與百官所云某某者亦卽其所號之名與所掌

之事也賈疏謂某某之名若門名當云桐門右師之下某官某姓某甲之名某某之號若魯之費邑卽云費邑之下某官某姓某甲之號某某之事若地官之下則云大司徒之下某官某姓某甲之事非鄭怡也互詳司常疏云鄉遂大夫文錯不見者賈疏云此經六遂直云縣鄙不言遂六鄉言以州名雖見鄉亦不見鄉大夫之身其文交錯不見鄉遂大夫故云文錯不見也云以其素信于民者于亦當作於此誤疏遂注作於賈疏云孫子云素信者與眾相得是也舊素與民相信者必情義相得故鄉遂之官還使爲軍吏云不爲軍將或爲諸帥是以闕焉者賈疏云管子云因內政寄軍令則鄉遂大夫已下至比長鄰長皆因爲軍吏以領本民在上或別使人爲軍將則鄉遂大夫別領人

周禮正義

禮五十五

五十四十九

爲師帥旅帥以下經在軍吏帥以門名之內故闕鄉遂大夫也
必知有別使人爲軍將法者見外傳穆叔云天子作師公帥之
以征不德詩曰周公東征四國是遄此並上公爲軍將詩曰韎
韜有奭以作六師此乃諸侯世子爲軍將田獵亦容如此於是
時鄉遂大夫則爲諸帥也云夜事戒夜守之事草止者慎於夜
者謂戒備夜戰守禦之事草止無城郭溝池之固故慎於夜以
防敵來掩襲也云於是主別其部職者天官敘官注云辨別也
部謂部曲職謂職掌之事二者皆視號名以爲別賈疏云釋經
以辨軍之夜事分別其當部當職不與外交雜也遂以苗田如
蒐之濫車弊獻禽以享昶夏田爲苗擇取不羣任者若治苗夫
不秀實者云車弊驅獸之車止也夏田主用車不所取物希皆

殺而車止王制曰天子殺則下大綬諸侯殺則下小綬大夫殺則止佐車佐車止則百姓田獵初宗廟之夏祭也冬夏田主于祭宗廟者陰陽始起象神之在內疏遂以苗田如蒐之禮者夏火田之法也賈疏云如上蒐時有司表貉誓民令鼓遂圍禁之等江永云苗田亦卽於夜畢之爾雅宵田爲獵楚辭招魂卒章懸火炎起亦言宵田之事云車弊獻禽以享初者賈疏云二者則與春異以其春時火弊祭社此時車弊享初也詒讓案獻禽亦謂歸獻之於廟與上春蒐獻社義同注云夏田爲苗擇取不孕任者若治苗夫不秀實者云者爾雅釋天云夏獵爲苗穀梁桓四年傳云夏曰苗左隱五年傳云夏苗孔疏引白虎通義云夏謂之苗何擇去懷任者也卽鄭所本又引爾雅孫炎注亦

與鄭同左傳杜注則云苗爲苗除害爾雅郭注及穀梁范注說並同此別一義又公羊桓四年傳春日苗秋日蒐冬日狩何注云苗毛也明當毛物取未懷任者不以夏田者春秋制也以爲飛鳥未去於巢走獸未離於穴害傷恐於幼稚故於苑圃中取之何注雖與鄭略同而公羊之義以苗爲春田之名也謂夏無田與此經及爾雅左氏穀梁迥異國語周語云蒐於農隙獮於既烝狩於畢時似亦謂無夏田說苑脩文篇亦引春秋傳春日苗夏日蒐冬日狩而釋之云苗者毛也苗者毛取之夏不田何也曰天地陰陽盛長之時猛獸不擾鷙鳥不搏螻蟻不螫鳥獸蟲蛇且知應天而沉人乎哉此正同公羊說今本說苑爲後人增竄文前後不相應非也又春秋繁露深察名號篇云春苗秋

蒐冬狩夏獮董子傳入羊說故亦以苗爲春田而別有夏獮之
文與入羊不合蓋亦後人所增入羊謂夏無田法鄭所不從然
鄭亦自有二說王制云天子諸侯無事則歲三田一爲乾豆
爲賓客二爲充君之庖鄭彼注云二田者夏不田蓋夏時也引
周禮四時田爲證孔疏謂鄭取春秋緯運斗樞文故以爲夏不
田又引何休穀梁廢疾云運斗樞曰夏不田穀梁有夏田於義
爲短鄭釋之云四時皆田夏殷之禮詩云之子于苗選徒嚶嚶
夏田明矣孔子雖有聖德不敢顯然改先王之法以教授於世
若其所欲改其陰書於緯藏之以傳後王穀梁四時田者近孔
子故也公羊正當六國之亡議緯見讀而傳爲三時田作傳有
先後雖異不足以斷穀梁也又引鄭釋廢疾云歲三田謂以三

事爲田卽一日乾豆之等據孔說則王制注難以夏不田爲夏
 禮而釋廢疾說則謂夏時亦有夏田王制歲三田卽指下文三
 事而言蓋鄭終不從公羊運斗極說也黃以周云月令於孟夏
 云驅獸毋害五穀毋大田獵曰驅獸明夏亦田矣曰毋大田獵
 明夏猶較二時爲小也夏田較小故公羊不舉其文案黃說亦
 通云車弊驅獸之車止也者驅獸之車卽後云驅逆之車是也
 以弊爲止與上文火弊義同云夏田主用車示所取物希者賈
 疏云春秋左氏傳云彼徒我車懼其侵軼我也車行遲取獸
 少故知用車示取物希也云皆緩而車止者亦謂既殺之後以
 車止爲田止之節王制疏說此車弊云謂獵人殺禽既畢布列
 車乘總驅禽獸而後止息依孔說則爲田止而後車驅非也引

王制曰天子殺則下大綬諸侯殺則下小綬者鄭彼注云綬當爲綬綬有虞氏之旌旗也下謂弊之賈疏云據殺訖而言王詩傳云天子發抗大綬諸侯發抗小綬者據始殺而言詒議案王制下綬之文於此經車弊無會鄭牽連引之耳大綬卽巾車之大麾亦卽司常之旒旛諸侯制殺於王蓋用旒物故謂之小綬鄭王制注讀綬爲綬以爲有虞氏之旌旗非也凡大田王乘木路仍載大常以表尊而表事則以大綬蓋佐車所載抗之下之以爲殺及止之節故詩小雅車攻云建旒設旒搏獸于敖御覽資產部引韓詩內傳云天子抗大綬諸侯小綬羣小獻禽其下天子親射之旂門則似大綬與虞旗爲一疑非也大綬爲大麾亦卽旒旛及王田載大常並詳巾車疏云大夫殺則止佐車佐

車止則百姓田獵者彼注云佐車驅逆之車案鄭以王制佐車
卽驅獸之車故引以證此車弊然據田僕文則佐車卽副車非
卽驅逆之車鄭王制注似誤又庶民惟冬得田獵故王制云豺
祭獸然後田獵四時大田爲王親田而得有百姓者蓋卽據鄉
遂六軍士徒而言也云祔宗廟之夏祭也者謂夏祭宗廟雖非
正祭通名爲祔也大宗伯云以禴夏享先王司尊彝亦云夏禴
祔禴字同甸師先鄭注約引此文亦作禴說文有祔無論但經
字不宜錯出疑此經注並當作禴也云冬夏田主于祭宗廟者
者于亦當作於賈疏述注不誤此明下文冬狩以享烝與此享
祔同爲祭宗廟也云陰陽始起象神之在內者賈疏云仲冬一
陽生仲夏一陰生是陰陽在內故神象之而行祭也此祭因田

獵獻禽爲祭若正祭自在孟月案賈謂正祭在孟月依鄭王制
注義孔疏亦謂此四仲祭非正祭惟杜氏春秋釋例云周禮祭
宗廟以四仲蓋言其下限也左傳桓八年孔疏引秦道靜云周
禮四時之祭皆用四仲之月則以此職夏前冬烝並指正祭與
鄭義異金鶚云王制云天子諸侯無事則歲三田一爲乾豆鄭
注乾豆謂腊之以爲祭祀二豆實也醢人朝事之豆有醢醢麋
鹿養麋養鄭注作醢及養必先膊乾其肉乃蒸之裸以梁麴及
鹽漬以美酒百日則成矣然則豆實非一時可辦故必先時而
田春田以供夏夏田以供秋秋田以供冬冬田以供春自田至
祭約有七八十日豆實乃具也夫豆而曰乾則非方田之時卽
獻禽以享宗廟也明甚而獻禽以享之非正祭亦明矣其曰享

酌享烝者凡夏祭皆得謂之酌冬祭皆得謂之烝不必正祭也
且四時之田皆爲祭祀此獻禽若是正祭何以四祭僅舉其二
而與社並列邪況祭祀必先齋戒十日不得出外馳逐而此
經云入獻禽以享烝明事田獵之日卽入獻禽以享若是正祭
何以不齋戒乎豈齋戒不妨田獵乎案金說是也凡正祭必在
四孟之月不在四仲又此獻禽之祭當用薦新之禮無尸但饋
食而已與時祭禮異並詳太宗伯疏